



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. Ludovici Richeomi Societatis Ies. Valedictio Animæ Deuotæ**

**Richeome, Louis**

**Coloniæ, 1610**

De Dei imagine secundum quam homo factus fuit. Colloquium XL.

[urn:nbn:de:hbz:466:1-50753](https://nbn-resolving.org/urn:nbn:de:hbz:466:1-50753)

De Dei imagine secundum quam homo factus fuit.

## COLLOQUIVM XL.

THEO. **N**AE verò ego nunc operæpretium facturus tibi videar, si singulas pulcherrimi huius corporis partes examinare, & earum cum anima convenientiam demonstrare? Ait namque Scriptura Sacra, creasse Deum hominem ad imaginem & similitudinem sui, reuera illum, non quoad animam tantum, quæ principem in eo locum tenet, sed etiam quoad corpus, quemadmodum præclare a Diuo Augustino videmus fuisse obseruatum: non quod Deum figuram corpoream cum Anthropomorphitis habere somniemus, ad cuius velut prototypon homo depictus ac delineatus sit, sed quia coelestis illa humani corporis reſtitudo euidenter de coeleſti animæ natura testimonium edit, &

S. Aug. l.  
6. in Ge.  
c. 2. & l.  
83. 99.  
9. 53.

quia figuræ exterioris pulchritudo ac decor, velut vestigijs quibusdam spectatorem ad imaginem & similitudinem DEI interioriorem perducit. Atque hinc omninò sequitur præclarè vt dictum fuisse videatur, faciamus nobis hominem, non animam tantum ad similitudinem nostram: quo videlicet constaret vtramque hominis speciosissimi partem ad exemplar DEI fuisse efformatam, etsi in anima plus decoris ac adeò plura colorum lumina à supremo illo artifice adhibita non inficiemur. Placet & porrò ijs, qui à Theologia nostra sunt, vt hanc animæ imaginem immortalitatem vocent cum vniuerso Zeugmate ei annexarum facultatum: similitudinem autem rectum earum vsum esse, & virtutes quas per eam freti, diuina gratia nobis acquirimus & possidemus. Et sunt omninò facultates istæ dona illa quæ nos appellamus Intellectum, Voluntatem, & Memoriam, & reliquæ omnes quæ in anima ad-

mira-

a Orig. li.

3. per c. 6.

S. Bas. h.

15. in Ge.

S. Amb.

l. 6. Her.

c. 7. &amp; 8.

Greg.

Nyss. ho.

de crea-

tione ho-

minis.

Ench. l. 1.

com. in

Gen. Vi-

ctorinus

contra

Arium.

Theod.

99. in

Gen. 9.

20.

Ruper. 2.

de Trin.

c. 3. &amp; 5.

S. Vho. 9.

93. Mag.

Sent. 2. 2

d. 16.

mirabilem istam, immortalem, & ineffabilem Dei essentiam arguunt atque testantur. Itaque cum etiam sacrosancta illa essentia in tribus diuersis personis conquiescat, ad illius planè imitationem anima nostra intelligit, videt ac recordatur, & in immortalitate sua generaliter diuinæ naturæ imaginem circumfert, & in hoc ternario facultatum numero in vna natura fundatarum, simulachra circumfert, & picturam specialem trium diuinarum personarum vnitarum & vna essentia colligatarum. Verùm quò aliquantò clarius ac manifestius huius imaginis filum aut lineamenta cognoscamus, duo admodum obseruanda sunt, quibus si imago quæpiam non caruerit, tum demum quam maxime ad viuum id quod debet representare iudicatur. Primum est vt perfectè rem oculis subijciat atque exponat: & hoc modo patrem à filio representari dicimus non aliter quàm à vera effigie Dei, Filium etiam imaginem Dei appellare possumus in omnibus & per omnia ipsi equalentem quippe

*Propriū  
officiū i-  
maginis.  
S. Thom.  
1. 9. 93.  
nr. 2. 6.*

quippe natura ab eo nihil dissidentem. Alterum est, cum in ea qualitatem solum aliquam spectandam exponit, quæ rei propria est, & naturam tamen illius vniuersam non complectitur: ita tabellam imaginem Principis vocitamus, etsi exteriorem tantum illius formam ac lineamenta præ se ferat. Ita etiam hominis animæ imago Dei impressa est & in ea adumbrata, vnde non simpliciter Dei imago appellatur, quæ admodum Iesus Christus: sed creatura facta ad imaginem Dei, & quodammodo è regione illius reædificata, quæ in triplici cælatura consistit, Intelligentia videlicet, Voluntate, & Memoria, velut vestigijs firmissimis animæ immortalitati impressis. Etsi tu hoc loco, nullus dubito, quin differentiam, qua imago hæc ab icone Principis artificiali dissidet, animaduertas: ea enim ex metallo aliquo muto conflata est, Dei autem hæc effigies animæ rationali, viuæ & immortalis impressa, quia videlicet subiectum quod hominis animam diximus, vitæ particeps est & immortalitatis.

N De

2. Cor. 4.

Col. 1.

15.

Genes. 1.

27.